

# Noolaha Dhamaantii

---

Djibouti City, 2007

Waxa uu kaga hadlayaa abwaanku nolosha iyo waxa uu aadmigu kaga duwanyahay xayawaanka noocyadiisa kale. Waxa uu ku nuuxnuuxsanayaa dadku inay wax qabsadaan oo ay xoogsadaan una dhididaan oo isu hawlaan horumarkooga habsami u dhaqankooga, Isagoo dhan walba ka tusaya xag diineed xag waaya aragnimaba.

Waxa uu carrabka ku adkaynayaa Qaddarku inaanay u fahmin dadku hawlyaraysi ee ay u gartaan sida uuyahay. Oo ah waxan la dhaafikarin dadaalkuna waajib yahay.

Noolaha dhamaantii  
Kuwa socod ka dhaabee  
Ku dhaqaaqa caghiyo  
Ka gurguurta dhoobada  
Dhaalayda duushee  
Hawadaa ku dheeshiyo  
Kuwa biyo ku dhuuntaba  
Naflahaa dhigiisa ah  
Dad ku waxay ku dhaafeen  
Cagli dheelitiranbuu  
Rabigay ku dheehoo  
Xayawaan dhugaag iyo  
Dhaqan iyo nidaamloo  
Is dhagaysta weeyee  
Dhaantada ku soo durug.

Dhakafaarka dunidiyo  
Dhaygagiyo umuurahan  
Kolla dhabana hayska ah  
Kolla dhoolla qosolka ah  
Sida loola dheelaan  
Dhab agalay war Keego  
Murtibaaka dhibicdee  
Dhalintiyoo dad waynuhu  
Hakusoo dhawaadeen.  
HOrta dhaaxa abidkeed  
Dheegoow aduunyadu  
Waxay kuula dhaqantaa  
Hadba saad ka dhigatoo  
Noloshuba dhamaanteed  
Waxa ay kadhadata  
Dhaqdhaqaaqa lugihiyo  
Adimada dhexdoodoo  
Qofba wuxu kadheefaa  
Hedel kuu udhiibtiyo  
Dhidid kiisa kaliyoo  
Hadba dhaqashadiisiyo  
Dhugashada dantiisuu  
Ka helaa dhigeedee

Nika hawl kadhuuuntee  
Dhayalsada dantiisee  
Halgankii dhabta ahaa  
Dhacadiidka doortaa  
Kolbashay dhaliiloo  
Kudhabara nasiib iyo  
Qadarbaa wax iidhimy  
Waxa laysku dhaafiyo  
Dhalan maaha guushuye  
Dhabbadeeda loo maro

Aan dhawr tilmaamood  
Dhagta kuugu sheege  
Markaloo dhibtooda  
Dharagiyo wanaaggiyo  
Dhaqashada lagaadhaa

*Unknown*

Dhaydiyo gadhoodhkiyo  
Dharab lagu caweeyaa

Oo malab ladhuubiyo  
Dhanfaruurta geeduhu  
Intay soo dhawaadaan  
Carrab kiyo dhanxanagiyo  
Dhabanada yimaadaan

Calaf lagama dhuuntee  
Qalinkana dhabacashiyo  
Orod laguma dhaafee  
Dhawaqaan kuleeyyahay  
Waxa uuka dhiganyahay  
Kama dhimo ilaahay  
Dhibic qudha adoomaha  
Dhididkiyo xaqoogee  
Dulmi wuu ka dhaartee  
Nafta dhiira galiyoo  
Dhalanteed ha aaminin.  
Wayse dhici karaysaa  
Adigoo dhacdaal iyo  
Daal iyo dhib soo maray  
Inadwaydo dheeftii  
Subagaad ka dhamilayd  
Ama kuu dhigmi lahaa

Balse waxad ku dhaaftaa  
Ma ogtahay dhirbaaxadu  
Ma horseedo dhimashee  
Dhabbaday usherette  
Qofka dhaga adaygee  
Dhugan waaya taladee.

Dhibta lagu hongoobiyo  
Fashalkii hadeer dhacay  
Nika raga waxuma dhimo  
Cashirbaabu kuu dhigay  
Cilmibuudhab kuubaray  
Qaladkiyo dhaliilaha

Kudhex jira naftaade  
Kugu dhuumanaayuu  
Iska dhaaf ku leyahay.

Shaqadaad dhantaashiyo  
Wakhtigaad ku dheeshuu  
Ku tusaa dhib keedoo  
Fursadii kudhaaftuu  
Tan dambee dhiggeeda ah  
Hadhayalin ku leeyahay.  
Ma dhamaanin duniduye  
Maantaba wixii dhiman  
Ku dhaq suu ku leeyahay,

Ha dhawaysan raaxada  
Adigoon u dholondholin  
Mudu badan u dhuubnaan  
Dhaxan iyo haraad marin  
Dhabaddanada j iilaal  
U kalihin dhagtii hore  
Qorax duna ku dhabannayn  
Dhayal laguma gaadhee  
Noq geesi dhabar adag

Dhabaqsiga shaxaadkiyo  
Ii dhiibta qayrkaa  
Ha ku noqon dhadhama raac,

limaanku waa dhare  
Hugu yaanu kaa dhiman

Dhinac kale ka eegoo  
Dhari aan bislaanayn  
Inad dherarsataa roon  
Rajo aan dhamaanayn  
In ladhawri ceeb male.  
Balse waxan la dhaygagay  
Nika ceelka dhaafee  
Ka wahsaday inuu dhuro  
Ama diiday dhooqada

*Unknown*

Eedhoomuhuu siday  
U dhaqdhaqay xareeddee  
Cirka dhoolka joogiyo  
Dhado roob ka sugayee  
Surmi dhuuntu roortee  
Ubadkiina dhaa yidhi  
Kuu dhiibay adigee  
Horta maanu dhoohnay,

Haldhigeegu wuxu yahay  
Nafta dhaamash ha utumin  
Kula soco wixii dhab ah  
Kolla dheemman doo doon  
Kolla dhari wax kuu gala

Kolla dhaqasho raadcee  
Kolla dhuunigoo qudha

Waxa jira nin dhaw loo  
Ka hortaga dhibaato  
Dhagar kala bad baadshoo  
Xasilooni dhaliyoo  
Dhulka tola dillaacee  
Adigoon dhantaalayn  
Midna dhinaca saarayn  
Dhexdhexaadi aadmiga

Isku soo dhawee labo  
Midba dhacan ku oodna  
Naftu waxay ka dhiidhido  
Ama dhiiggu kaa kaco  
Dhulka lagama waayee  
Yaanay cadhadu kaa dhigin  
Wiyil dharastay oo kale.

Hana tuurin dhagixii  
Dib usoo dhabbacankara  
Dhuuxaaga j abinkara  
Ee aan ku dhaafayn.

Kolla dhogor shabeel xidho  
Kola dhixidhka naagaha.

Dhulka miro u soo dhacay  
Way kaaga dhawyiin  
Kuwa dhoorka saarane  
Ha dhaafin meel sare  
Hadda dhuumo kuma odhan  
Dhibyarayso kuma lihi  
Dhawaqaan ku leeyahay  
Waxa uu kadhiganyahay  
Dhalanteed ha aaminin  
Dabadeedna ha isdhigan  
Hana odhan dharaartaa  
Hebalbaa dib iidhigay  
Ka kalaa wax ii dhimay  
Hay dhansiinin anigana  
Marmarsiiyo dhicikara

Dhigaa lama yaraystee  
Kibir ha iska dhaadhicin  
Dhiddigiyo laboodkaba  
Bulshadaad la dhaqantahay  
Haka noqonin dheeraad,

Dhalintiyoo dadwaynaha  
Ku lahaw ammaan dhaba

Diinteena dhawrsoon  
Hideheena dhaxalkaah  
Labadaba ku dhehnaw

Runtu dhaxan magaydee  
Hal dhuuman waligaa  
Beentana ka dheeraw.

Lax dhukani abaar moog  
Dhulka laguma joojee  
Dhacdadadiyo umuuraha  
Nin u dhuun dalooloo

*Unknown*

Dhabagala hadaadtahay  
Waxba kuuma Dunstan.

Dhawaqiyo codkaagana  
Sida tanag bud lala dhacay  
Dhaw dhawdu waa ceeb  
Lama ciyo sidii dhool  
Ama waysha dhiinka ah.  
Hooyadii ku dhawrtee  
Bilo dhawra uurkiyo  
Dhexda kugu sidaysee  
Dhuuniga ka soontee  
Dhalmada iyo fooshii  
Sankaraad dhadhamisee  
Dabadeed dhaqaaliyo  
Kalgacaylo xeel dheer  
Kugu dhooba kuustee  
Dhabta kugu habaysee  
Dhistay waaxyahaagee  
Dhaqankiyo Asluubtiyo  
Anshaxaaga dhidibtee  
Ku dhansiisay garashada  
Eedhaaxa Abidkaa  
Inad dhaafto Qayrkaa  
U dhamaamaxaysee  
Kugu dheehan adigee  
Dhiiggeega kaajecel  
Iyo dhaageheegee  
Dhibta kula nacaysiyo  
Aabihii ku dhalay ee  
Aadku dhaadanaysee  
Lagaa dheegay adigee  
Kugu habay dhifkiisiyo  
Dhididkii naftiisee  
Hagarkaaga dhaartee  
Dabka kuugu dhici jiray  
Labaduba nikaan dhiman  
Way kaa dhursugayaan,  
Haka dhimin xaqoogii  
Cidi uma dhamaysee

Ha dhayalin karaankaa  
Waligaa dhaqaalee  
Dhibri hadalka aadtidhi  
Garabkana u dhaadhici  
Ka dhagayso waanada  
Haka nixin dharaar qudha  
Eray dhiifle ka ogaw.

Culminant adoon dhigan  
Qofna kuma dhashee garo  
Dhaxal yaanu kula noqon

lima dharabta jiifiyo  
Waayeel dhafooracad  
Midna lagama dhaafine  
Jeeroodka dhimataan  
Waa Bad aan dhamaanine  
Wax la yidhi ka dhaansada.

Murti dhaxal galaa tidhi  
Hadaad dhimato geeridu  
Marbay nolosha dhaantaa  
Waxa ay ka dhigantahay  
Markay .dhiida, gaadhee  
Dhudhun iyo awood iyo  
Dhumuc la isku sheegtee  
Dulmi lagu dhawaaqee  
Cadliguna dhamaadee

Qaranimadu dheelido  
Waddankuna dhaxmoodee  
Calankaagu dhaadhaco  
Waa inad ka dhiidhido  
Dhiillada shisheeyaha  
Waa inad kadhicisaa,

Diintaada dhawrsoon  
Dhulka lama huraan ka ah  
Gobanimada dheegga ah  
Danta dhabar ahaaneed



*Unknown*

Waa inad udhimataa,

Dhayal maaha caashaqu  
Dhacdo weeye qaaliya  
Marka dhinac la eegana  
Noloshuu ka dhiganyahay  
Dhaqankiyo tafiirtaba  
Dhidib kooga weeyaa,

Dhankalaase loo rogay  
Waxa hadlka loo dhigay  
Dhirindhiiris qodaxdii  
Lagu soo dhawaynjiray  
Dhabbo la isku soo maro  
Dhunshada sarbeebta ah  
Been iyo dhadhama raac  
Iyo baahi daba dhaw  
Dharag aan calool jirin  
Dhuunyaal markaa qudha

Dhulka loola kala kaco  
Dhab ahaana xaajadu  
Dhakaday ku socotaa  
Dhagarbaase laga galay  
Dhaqankiyo xishoodkii  
Dhadhanxumada joogtana  
Dheeh kaama saarree  
Hablo dhaamash ha utumin  
Haku dheelin gabadh ugub  
Axdi beena ha udhigin  
Adigoon dhamaynayn  
Ubax dhiina ha ululin  
Qaarbaa dhalaanee  
Adiguna ha dhama,siin  
Haka dhumiixaqiiqada  
Qalbigeeda hau dhicin  
Ha u dhaafm kaydii  
Hantigeeda dhawrsoon  
Ha u qoomin dhuuryada  
Dhidarkiyo waraabaha.

Adiguna kuwaa dhaan  
Illayn waa dhiggoodii  
Hablahaad la dhalatee  
Nabsi taada haw dhigin  
Iyo dhaxal magayda ah  
Gafka aad dhokobisaa  
Kugu sugsi dhadhaarkee.

Dhismihii arooskana  
Markaad dhaadashada guud  
Dhalankeega gaariyo  
Dhankastaba ka eegteed  
Dhubbad-qaadka sheekada  
Dhoollaha ka qososhaan  
Adoon sharafta dhaawicin  
Hiddeheena dhooqayn  
Xiisuhu dhabkaayahay  
Ku dhadhabaya oo jecel  
Dhabankiyo gabbaatiga  
Waa inaad ka dhiibtaa  
Gobanimada dhawrtaa  
Xilkana dhabarka saartaa.

Waxba yaanan dhaantada  
Kolba erayo dhayla ah  
U salaaxin dhoorkee  
Hakad baan u dhigayaa.

Dhibicduna waxaytahay  
Doqonbaa dhagaatiga  
Xadhig dhuunta loo sudho  
Dhudhumada ku sidatee  
Geesigu ma dhuuntee  
Dharabtuu ka muuqdaa.

Aar kuna ma soo dhoco  
Halka Ood la dhababee  
Wuxu soo dhirbaaxaa  
Meeshii dhaleexsane  
Iska dhiibi shaqalada.